

Saskibaloia

Amaitu da Askatuak-en denboraldia

90-97 galdu zuen Murciaren aurka, eta play off-etatik kanpo gelditu da

ASKATUAK	90
MURCIA	97

Askatuak: Nuñez (2), Brooks (22), Pascual (15), Watson (30), Larrea (1), Ormazabal (4), Perez (9), Marin (6), García.

Murcia: Smith (28), Xabier Sanchez (22), Bermudo (19), Moya (18), Rush (8), Vega (4), Roure, García, Peñafiel, Ayuso.

Epaileak: Lanas eta Minguez

Erredakzioa / Donostia

HIL edo biziko partidua jokatu zuen atzo Askatuak taldeak. Irabaztea behar-beharrezkoa zuen gaur laugarren partidua jokatu ahal izateko, baina ezin izan zuen Murcia taldearekin. Partidu osoan atzetik izan ziren donostiarrak, eta hurbildu zirenean ere ezinean aritu ziren aurrea hartzeko.

Ezin okerrago hasi zuten atzoko partidua Askatuak taldeko jokalariek. Lehenengo laurdenean, lau minutu baino askoz gehiago jokatu gabe, 7-19 galtzen ari ziren dagoeneko. Erasoak ez, defentsan kaskar, etsipena zen nagusi Gasca kiroldegira hurbildutako jendetzaren artean. Irabaztea behar-beharrezkoa zen laugarren partidua jokatzeko, baina ez zen ikusten han horretarako aukera handirik. 19-34 amaitu zen lehenengo laurdena.

Bigarren laurdenean, ordea, goitik behera aldatu zen partidua. Brooksek sartutako hirukoarekin hasi eta bost minutuan 15-4ko partziala lortu zuten Aldalurren gizonek. Defentsan gogor, erasoan asmatuz, Brooks eta Watson estatu batuarren lana erabakigarria izan zen beste behin. Baina bigarren laurden horretan partidua benetan

aurrera atera zuena Edu Pascual bilbotarra izan zen. Murcia Moya eta Rushekin taulapean borroka gogorra izan zuen Pascualek partidu osoan zehar, eta aparteko lana egin zuen defentsan zein erasoan; 15 puntu lortu zituen orotara. Azken segunduan Brooksek lortutako saskiratze polit batekin amaitu zen bigarren laurdena, partiduko lehen zatia. 44-48 zegoen markagailua aldagetara sartu zirenean, eta bazen itxaropenik partidua aurrera ateratzeko jendartean.

Hirugarren laurdenean Murtziakoek lortutako 10-0eko partzialak, ordea, oso zail jarri zituzten gauzak berriro Askatuak-i. Markagailuan atzetik joan ziren partidu osoan zehar Aldalurren mutilak, partidu hasierako 2-0 hura kenduta. Murcia Smith, Bermudo eta Sanchez ezin hobeto ari ziren jokatzeko eta ezinezkoa zitzaien markagailuan hurbiltzea. 51-61, 54-66, 56-66, ezin zuten gipuzkoarrek 10 puntuko alde hori murriztu. Azkenean, 62-69 emaitzarekin amaitu zen hirugarren laurden hori.

Pascualen saskiratze bati esker, bost puntura jarri ziren Aldalurrenak azken laurdenean hasieran. Murcia Smith antolatzaileak hartzen zuen, beste behin, erantzukizun osoa. Parti-



Behin eta berriz saiatu arren, ezin izan zuen Askatuak-ek Murcia gainditu

ANDER GILLENEA

du aparta osatu zuen atzokoan ere estatu batuarrek.

Ormazabalen saskiratze dotore batek 68-72 jarri zuen partidua, gori-gori. 72-74 ere hurbildu ziren, bi puntu baino ez berdinketa lortzeko, baina asmatu beharreko unean kale egin zuten donostiarrek. Presaka, bi baloi galdu zituzten erasoan. Murcia-koek ezin hobeto atera zioten etekina opari horiei. Sanchezen hiruko batek eta Moyaren beste

bi saskiratze 72-81 jarri zuten partidua Murtziakoen alde. Horik aurrera egindako ahaleginak alferrikakoak. Smith antolatzaileak ongi mugitu zuen baloia, eta egindako pertsonal guztiak puntu bilakatu zituen. Amaieran, 90-97 markagailuan. Erakutsitako adorea eta borrokarako grinagatik besterik ez bada ere, zerbait gehiago merezi zuen Askatuak-ek, baina txalogarria da benetan aurten egin duten denboraldia. X

Sokatira

Aresok eta Berriozarrek beste bi txapel Nafarroarra

Beti Gaztek tiraldi bat irabazi arren, Aresok sendo erantzun zion, eta Berriozar tiraldi guztietan gailen

Koldo Alduntzin / Arronitz

ARESOK bigarren urtez jarraian irabazi du 600 kiloetako Euskal Herriko txapela, eta joan den igandeko 560 kiloetakoaren errebantxa hartu zuen. Berriozarrek, berriz, emakumezkoen 520 kiloetako Liga irabazita, bere lehen txapela bururatu zuen.

Atzo jokatu ziren Arronitzko pilotalekuan bi pisu horietako azkenak. Areso eta Beti Gazte bosgarren txandan aritu ziren lehian. Lehen tiraldiak bost minutu eta erdi iraun zuen, eta Beti Gazte gailendu zen. Hurrengo bi tiraldietan lesakarek ezin izan zuten Aresoren presioarekin, eta biak galdu zituzten nahiko azkar. Abadiñok Beti Gazterekin bi tiraldiak galduta, Aresok txapela irabazteko bidea nahiko segurua zuen, baina badaezpada ere, Abadiño mendean hartu

zuen. Jexux Etxezarreta entrenatzaileak, Mielanjel Sukuntza, Joxe eta Javier Otermin, Boni Etxetxikia, Jexux Artola, Mikel Arraigo, Patxi Baraibar eta Juan Mari Izeta jarri zituen sokan eta Zabaleta izan zen laguntzailea. Sailkapena: 1. Areso (6 puntu), 2. Beti Gazte (5 p), 3. Abadiño (4 p), 4. Torrekolanda (3 p), 5. Urrestilla (2 p), 6. Iparralde (p 1).

Berriozarrek atzoko tiraldi guztiak irabazi zituen txapelketa osoan bezala; aurten 520koan. Aurrez txapela buruan zuen, eta jantztea zuen helburu bakarra. Getxok irabazi egin zion Sakana-ri euren arteko txandan, baina 560 kiloetako txapeldunek ziurtaturik zuten bigarren postua. Tiralariek osatu zuten Berriozar taldea: Mirian eta Idoia Elarre, Mikaela Olano, Marta Diaz, Estrella Menacho, Arantxa Sagastibeltza, Rosalia Lekunbe-



Berriozar taldea, txapelketa osoan bezala, atzoko tiraldi bat irabazten.

KOLDO ALDUNTZIN

ri eta Leire Garbisu. Roberto Karranza izan zen prestatzailea. Azken sailkapena: 1. Berriozar (16 p), 2. Sakana (11 p), 3. Getxo (8 p), 4. Badaiatz (5 p).

Bestalde, Ipar Euskal Herriko Txapelketa atzo hasi zen Ezpeletan eta bertako Napurrak nagusitu zen 560 eta 680 kiloetako lehen jardunaldian. X

laburrean

T E N I S A

Sampras larri Atlantako Torneoan

USTE baino arazo gehiago izan zituen Pete Sampras estatu batuarrek atzo Atlantako Sanguinetti italiarra gainditzeko. 6-3, 5-7 eta 7-5 irabazi zuen Sampras azkeneko final-laurdenean da jada. Paraguaiko Delgadoren aurka jokatu beharko du hurrena. X

S A S K I B A L O I A

L.A. Lakers eta Indiana aurrera, New York eta Miami berdinduta

NBA-KO kanporaketek aurrera jarraitzen dute. Azken jardunaldian, L.A. Lakers eta Indiana taldeek hurrengo kanporaketara sailkatzea lortu zuten, hurrenez hurren Portland eta Cleveland taldeei irabazi ostean. Azken jardunaldiko partidu erakargarriena, ordea, New York Knicks eta Miami Heat taldeek jokatuakoa izan zen. 90-85 amaitu zen partidua New Yorken alde, eta, horrenbestez, bina daude berdindurik. X

T E N I S A

Galo Blanco Agassiren aurka gaur Munichen

FINALERDIETARA iritsi da Galo Blanco espainiarra Munichen jokatzeko ari den torneoan. Tomas Nydhal suediarri irabazi zion Galo Blanco espainiarrak hiru setetan: 7-5, 5-7 eta 7-6 (7-1). Gaur, Agassiren aurka neurtu beharko ditu indarrak. X

F U T B O L A

230 bikotek ekin diote Alavesen Mus txapelketari

MENDIZORROTZAKO tribunen azpian hasi ziren jokatzeko atzo 230 bikote Alaves futbol taldeak eta Gasteizko Udalak antolatu duten Glorioso Mus Txapelketan. 278 bikotek eman zuten izena, eta guztiak agertu balira Munduko Errekorra apurtzeko aukera zuten antolatzaileek. Gaur eguerdian amaituko da txapelketa. X

I Z O T Z H O C K E Y A

Munduko Txapelketa jokoan da Suitzan

ATZO hasi zen Zurichen Munduko Txapelketa. Hamasei selekzio ariko dira lau lau multzotan banatuta. Lehenik aurre-kanporaketa jokatu dute, eta lehen biak sailkatuko dira hurrengo fasera. Kanada da egungo txapelduna, eta Txekiako Errepublika txapeldun olinpikoa. X